

პროექტი

## დადგენილება

### ჩოხატაურის მუნიციპალიტეტის საპატიო მოქალაქის წოდების შემოღებისა და მინიჭების წესის დამტკიცების შესახებ

საქართველოს ორგანული კანონის „ადგილობრივი თვითმართვებლობის კოდექსი“-ს 24-ე მუხლის პირველი პუნქტის „ა. დ.“ ქვეპუნქტის, 61-ე მუხლის მე-2 პუნქტისა და „ნორმატიული აქტების შესახებ“ საქართველოს კანონის 25-ე მუხლის პირველი პუნქტის „ბ“ ქვეპუნქტის შესაბამისად ჩოხატაურის მუნიციპალიტეტის საკრებულო ადგენს:

**მუხლი 1.** შემოღებულ იქნეს ჩოხატაურის მუნიციპალიტეტის საპატიო მოქალაქის წოდება.

**მუხლი 2.** დამტკიცდეს ჩოხატაურის მუნიციპალიტეტის საპატიო მოქალაქის წოდების მინიჭების წესი დანართი 1-ის შესაბამისად.

**მუხლი 3.** დამტკიცდეს ჩოხატაურის მუნიციპალიტეტის საპატიო მოქალაქის მოწმობა დანართი 2-ის შესაბამისად.

**მუხლი 4.** ძალადაკარგულად გამოცხადდეს „ჩოხატაურის მუნიციპალიტეტის საპატიო მოქალაქის წოდების შემოღებისა და მინიჭების წესის დამტკიცების შესახებ“ - ჩოხატაურის მუნიციპალიტეტის საკრებულოს 2014 წლის 27 მარტის #9 დადგენილება.

**მუხლი 5.** დადგენილება ამოქმედდეს გამოქვეყნებისთანავე.

პროექტი მოამზადა: თეა უჯმაჯურიძემ

ჩოხატაურის მუნიციპალიტეტის საპატო მოქალაქის წოდების მინიჭების წესი

**მუხლი 1. ზოგადი დებულებები**

1. ეს წესი განსაზღვრავს ჩოხატაურის მუნიციპალიტეტის საპატო მოქალაქის წოდების მინიჭების წესსა და პირობებს.
2. ჩოხატაურის მუნიციპალიტეტის საპატო მოქალაქეობის მინიჭება ხორციელდება საქართველოს ორგანული კანონის „ადგილობრივი თვითმმართველობის კოდექსის“ და ამ წესის საფუძველზე.

**მუხლი 2. ჩოხატაურის მუნიციპალიტეტის საპატო მოქალაქის წოდების მინიჭება**

1. ჩოხატაურის მუნიციპალიტეტის საპატო მოქალაქის წოდება შეიძლება მიენიჭოს როგორც საქართველოს, ასევე მსოფლიოს ნებისმიერი ქვეყნის მოქალაქეს, განურჩევლად ეროვნებისა, საზოგადოებრივ-პოლიტიკური შეხედულებისა და რელიგიური აღმსარებლობისა, თუ მისი მოღვაწეობა არ ეწინააღმდეგება საქართველოში დამკვიდრებულ კულტურულ ტრადიციებს, ზნეობრივ-ეთიკური ნორმებსა და სულიერი ცხოვრების წესს. აქვს განსაკუთრებული დამსახურება ჩოხატაურის მუნიციპალიტეტის და საქართველოს წინაშე თავისი საზოგადოებრივი, პროფესიული და სამეცნიერო საქმიანობით ან თავისი მოღვაწეობით სახელი გაუთქვა მას.
2. საპატო მოქალაქის წოდების მინიჭება ხორციელდება წელიწადში ერთხელ - საქართველოს დამოუკიდებლობის დღეს 26 მაისს.
3. ჩოხატაურის მუნიციპალიტეტის საპატო მოქალაქეს გადაეცემა შესაბამისი გადაწყვეტილებით განსაზღვრული ფულადი ჯილდო (არა უმეტეს 500 ლარის ოდენობის), ჩოხატაურის მუნიციპალიტეტის საპატო მოქალაქის მოწმობა, ან დაუწესდება რაიმე შეღავათები.
4. განსაკუთრებულ შემთხვევაში საპატო მოქალაქის მიმნიჭებელ ორგანოს უფლება აქვს საპატო მოქალაქეობის წოდება მიანიჭოს პირს ამ დებულების მე-2 მუხლის მე-2 პუნქტის გათვალისწინების გარეშე.
5. ჩოხატაურის მუნიციპალიტეტის საპატო მოქალაქის დამადასტურებელი მოწმობის დამზადებას უზრუნველყოფს ჩოხატაურის მუნიციპალიტეტის მერია, დამტკიცებული ფორმის შესაბამისად (დანართი 2).

5. ჩოხატაურის მუნიციპალიტეტის საპატიო მოქალაქეებს საპატიო მოქალაქის წოდების დამადასტურებელ მოწმობას საზეიმო ვითარებაში გადასცემს ჩოხატაურის მუნიციპალიტეტის მერი.

### **მუხლი 3. საპატიო მოქალაქის წოდების მისანიჭებლად კანდიდატურის წამოყენების წესი და პირობები**

1. ჩოხატაურის მუნიციპალიტეტის საპატიო მოქალაქეობის მინიჭების თაობაზე მოტივირებული შუამდგომლობით მიმართვის უფლება აქვთ:

- ა) ჩოხატაურის მუნიციპალიტეტის მერსა და საკრებულოს თავმჯდომარეს;
- ბ) არასამთავრობო და საზოგადოებრივ ორგანიზაციებს;
- გ) ჩოხატაურის მუნიციპალიტეტის ამომრჩეველთა 1%.
- დ) საკრებულოს წევრთა სიითი შემადგენლობის 1/3.

2. ჩოხატაურის მუნიციპალიტეტის საპატიო მოქალაქის წოდების მისანიჭებლად კანდიდატურის წამოყენების უფლებამოსილი პირები, კანდიდატურას წერილობითი სახით წარუდგენენ ჩოხატაურის მუნიციპალიტეტის მერს, რასაც თან უნდა ერთვოდეს:

- ა) საპატიო წოდების მისანიჭებლად კანდიდატურის წამოყენების უფლებამოსილი ორგანიზაციის ან პირების რეკომენდაცია, საიდანაც უნდა ჩანდეს საპატიო წოდებაზე წარდგენილი კანდიდატურის ღვაწლი და დამსახურება;
- ბ) კანდიდატის ბიოგრაფიული ცნობები;
- გ) კანდიდატის ღირსების, ღვაწლისა და დამსახურების ამსახველი, საზოგადოებისათვის უკვე ცნობილი ან საპატიო წოდებაზე წარდგენის დღემდე უცნობი დოკუმენტალური და სხვა სახის მასალები;
- დ) კანდიდატის პირადობის დამადასტურებელი დოკუმენტის ქსეროასლი, 2 (ორი) ფოტოსურათი და კანდიდატის წერილობითი თანხმობა. წარდგენილი კანდიდატის შესახებ ცნობების შეჯერებას და განხილვას აწარმოებს მუნიციპალიტეტის მერის ბრძანებით შექმნილი სამუშაო ჯგუფი, რომლის მუშაობაში მონაწილეობას მიიღებენ როგორც მუნიციპალიტეტის მერიის, ასევე საკრებულოს წევრები. სამუშაო ჯგუფი, საპატიო მოქალაქის მინიჭების თაობაზე დასკვნას წარუდგენს მერს.

### **მუხლი 4. ჩოხატაურის მუნიციპალიტეტის საპატიო მოქალაქის უფლებები**

1. ჩოხატაურის მუნიციპალიტეტის საპატიო მოქალაქე, საქმიანობის, ცხოვრებისა და მოღვაწეობის ადგილის მიუხედავად, სარგებლობს ყველა იმ სიკეთითა და შეღავათებით, რითაც სარგებლობენ ჩოხატაურის მუნიციპალიტეტში მცხოვრები მოქალაქეები.

2. ჩოხატაურის მუნიციპალიტეტის საპატიო მოქალაქე უფლებამოსილია:

ა) მონაწილეობა მიიღოს საპატიო სტუმრებთან შეხვედრებში, დიალოგებში, დისკუსიებში, მუნიციპალიტეტის საკეთილდღეო ღონისძიებათა შემუშავებაში;

ბ) ჩოხატაურის მუნიციპალიტეტის ადგილობრივი თვითმმართველობის წინაშე დააყენოს საკითხი ნიჭიერი და უნარიანი მოქალაქეების თვითრეალიზაციის ხელშემწყობი პრობლემების შექმნის თაობაზე.



ჩოხატაურის მუნიციპალიტეტის საპატიო მოქალაქის  
მ ო წ მ ო ბ ა

ჩოხატაურის მუნიციპალიტეტის საპატიო მოქალაქის წოდება მიენიჭა

ბატონ (ქალბატონ) -----  
(სახელი) (გვარი)

ჩოხატაურის მუნიციპალიტეტის მერის 20 -- წლის ----- N ბრძანებით.

ჩოხატაურის მუნიციპალიტეტის მერი

ბ. ა.